

N Á T T Ú R U F R Æ D I S T O F N U N Í S L A N D S

Matvælastofnun  
Pór Gunnarsson  
Austurvegur 64  
800 SELFOSS

Garðabær, 04. júní 2013  
2013050006/42-0  
TB  
jgo/tb

**Hvammskel ehf, ræktunarleyfi fyrir krækling, umsögn**


Vísað er til bréfs frá Matvælastofnun, dags. 8. maí sl., þar sem óskað er eftir umsögn Náttúrufræðistofnunar Íslands um umsókn Hvammskeljar ehf. um ræktunarleyfi fyrir krækling í Hvammsfirði.

Náttúrufræðistofnun hefur farið yfir innsend gögn og gerir ekki athugasemd við að leyfi fyrir kræklingaraækt verði veitt í samræmi við þau. Náttúrufræðistofnun vill þó benda á að í grennd við bæði svæðin er arnarvarp og ber rekstraraðilum að taka fullt tillit til þess í samræmi við 19. gr. laga um vernd, friðun og veiðar á villtum fuglum og villtum spendýrum nr. 64/1994 en þar segir m.a.: „Óheimilt er frá 15. mars til 15. ágúst að koma nær arnarhreiðrum en 500 m nema brýna nauðsyn beri til, svo sem vegna lögmætra nytja sem ekki er hægt að stunda á öðrum árstíma, enda sýni menn ýtrastu varfærni og forðist að trufla fuglana. Þessi takmörkun á umferð gildir bæði þar sem ernir eru að búa sig undir varp og við þau hreiður sem orpið hefur verið í og eru með eggjum eða ungum.“. Hér er um nýja starfsemi að ræða og vel hægt að aðlaga hana að verndarsvæðum arnarins. Auk þessa er Breiðafjörur verndaður skv. lögum nr. 54/1995 þar sem tilgangur laganna er að stuðla að verndun Breiðafjarðar, einkum landslags, jarðmyndana, lífríkis og menningarminja. Náttúrufræðistofnun telur að framangreint eigi að koma fram í starfsleyfi til Hvammskeljar ehf, þ.e. að virða skuli framangreint ákvæði 19. gr. laga nr. 64/1994 um umferð við arnarvarp og að starfsemin verði í samræmi við það.

Virðingarfyllst



Jón Gunnar Ottósson  
forstjóri



Trausti Baldursson

